

# **REFERAT IN - Innarluutillit pillugit Siunnersuisooqatigiit d. 19-09-2019**

**Mødedato** Torsdag d. 19. september 2019 kl. 14:00

**Mødested** ataatsimiittarfik 2, kommuneqarfiup Allaffia, 1. sal, Kuussuaq 2

# Indholdsfortegnelse

Imaqarniliaq.....	3
-------------------	---

**Punkt .: Imaqarniliaq**

# Imaqarniliaq Innarluutillit pillugit Siunnersuisoqatigiinni ataatsimiinneq

*Qanga:* sisamangorneq 19. september nal. 14.00-16.00  
*Sumiiffik:* ataatsimiittarfik 2, kommuneqarfiup Allaffia, 1. sal, Kuussuaq 2, 3900 Nuuk

## **Ataatsimeeqataasut:**

Sara Jilsø Fleischer, siulittaasoq  
Viggo Johansen, siulittaasup tullia  
Nanette Hammeken Arboe, ilaasortaq  
Paulus Napatoq, ilaasortaq  
Peter Brix Adsersen, Oqartussaaffeqarfimmi fagchef (MI)  
Laila Skydsbjerg Skytte, MISI-mi siunnersortaaneq  
Cecilie Victoria Schierbeck, Oqartussaaffeqarfimmi ingerlatsisoq (SI)  
Susanne Kærulff Ettrup, Innarluutilinnik Sullissivimmi fagchef (SI)  
Kasper Kjeldgård Jensen, imaqarniliortoq (SI)

## **Ataatsimeeqataaangillat:**

Aviaaja Geisler, ilaasortaq  
Martha Lund Olsen, Meeqqanut & Ilaqutariinnut pisortaq (MI)  
Ellen Magnussen, Ikiorisarnermut Immikkoortortaqarfimmi fagchef (MI)

## **Oqaluuserisassat:**

### **1) Siulittaasumiit nutaarsiassat**

#### **1.1: Siulittaasumik toqqaaneq**

Viggo Johansen nammineq aalajangiisimavoq siulittaasutut inissisimaffini Innarluutillit pillugit Siunnersuisoqatigiinni ilaasortamut allamut ingerlatinniarlugu. Siulittaasuujunnarnissamik aalajangiinera inuttut atukkanik pissuteqarpoq.

Innarluutillit pillugit Siunnersuisoqatigiit Sara Jilsø Fleischer siulittaasutut inassutigaa. Sara Jilsø Fleischerip inassuteqaat akueraa siulittaasunngorporlu.

Viggo Johansen siulittaasup tulliatut qinigassangortippoq. Siunnersuisoqatigiit Viggo Johansen matumuuna siulittaasup tulliatut qinernaat.

### **2) Ingerlatsivimmiit nutaarsiassat**

#### **2.1: Suliffeqarnermut Isumaginninnermullu Ingerlatsivik (SI)**

Ingerlatsivik innarluutilinnut inatsisissamut piareersarpoq - Inuit innarluutilit tapersorneqarnissaannut Inatsisartut inatsisaat nr. 13, 12. juni 2019-imeersoq - taanna 1. januar 2020-mi atuutilissaaq.

- Ingerlatsivik inatsisissaq pillugu novembarimi isumasioqatigiinnermut namminersornerusunit aaqqissuunneqartumut peqataassaaq.

Najugaqatigiiffimmik nutaamik Qinngutsinni 2020-mi peqalissaaq.

- Najugaqatigiiffiit immikkoortut kattutsinneqassapput. Najugaqatigiiffittaassap titartarneqarnera ulloq manna (u. 19. september) tiguneqarpoq.
- Kattutsitsinissaq ullutsinnullu naleqquttunik initaarnissaq immikkoortortaqaarfimmit qilanaarineqarpoq.

Inaarluutilit pillugit Siunnersuisoqatigiit innarluutilinnut pilersaarutip immikkoortortaasa pingajuat pillugu tusarniaavigineqarput..

## **2.2: Meeqqanut Ilaqtariinnullu Ingerlatsivik (MI)**

Meeqqanik innarluutilinnik sullissisartuni atorfik nutaaq

- Maanna sulisooreersoq sullissisutut suleqatigiinnullu aqutsisutut Innersuussisoqatigiinni atorfimmik nutaami atorfinissaaq (aallaqqaammut ernisumut taartaalluni).

Ingerlatsiviup piginnaatitsinermut pilersaarut nutarsarpaa

- Piginnaatitsinermut pilersaarummi oqaatigineqarpoq kina suna pillugu aalajangiisuussasoq.
- Piginnaatitsinermut pilersaarutitoqaaq 2009/2010-meersoq iluarsaanneqarpoq.

Ingerlatsivimmi tamaat isigalugu sulisussaaleqisoqartarpoq.

- Kisianni meeqqanik innarluutilinnik sullissinermi taamanngilaq.

Tasiilami isumaginninnikkut misissuinerit

- Tasiilami annertuumik kinguaattooqqasoqarpoq. Namminersorlutik Oqartussat peqqussuteqarput kinguaattoorutit ukiap ingerlanerani suliarineqassasut. Peqqussutip malinnissaa soorunami kommunip soqutigaa – taamaanngippat kommune namminersornerusunit ingerlatsisinnaajunnaarsinneqassaaq.

## **2.3: Meeqqanut atuarfeqarnermullu Ingerlatsivik (MA)**

Pisortaq aalajangerpoq fagchefitut atorfik marlunnut avinneqassasoq, taamaalilluni fagchefitut atorfillit marlungussapput.

- Suliassaqarfik annertummat Ingerlatsiviup tamanna isumassarsiatsialaasoraa.

Sunngiffimmi sammisassanik neqeroorutit autistimik nappaatilinnut meeqqanullu 12-iniit 18-inut ukiulinnut ADHD-mik nappaatilinnut tulluarsakkat

Meeqqanut Atuarfeqarnermullu Ingerlatsivimmiit kiisalu Meeqqanut Ilaqtariinnullu Ingerlatsivimmiit sulisutut naapipput saaffiginnissut akissuteqarfiginiarlugu.

- Pakkutami siornatigut sammisassaqaartarnikuuvoq.
- Kammagiit aamma atorneqartarnikuuvoq. Sunngiffimmili sammisassanik neqerooruteqanginneq (taamatut ukiulinnik meeraqanngimmat) pissutigalugu init inersimasunut atugassanngortinneqarput.

## **3) Imaqarniliamik akuersineq**

Imaqarniliaq akuerineqarpoq.

#### **4) Innarluutit pillugit Siunnersuisoqatigiinniit oqaluuserisassanngortitat**

##### **4.1: Sanaartortitsiviup Siorarsiorfiup Nuummi atuarfiliornissamut tunngatillugu pilersaarutai (aamma takukkit ilanngussaq 1 aamma 2)**

Christian Dyrbjerg Andersenip, Siorarsiorfimmi immikkoortortami pisortap, akissutaa

Mailinnut qujanaq, akiniarsarissavaralu.

Neqeroortitsinermut atatillugu allagaatit ilaat, suliassanut atortussanut inaarutaasumut tunngaviusoq, tassaavoq Kommuneqarfik Sermersuup atuarfinnik sanaartonermt malitassiaa.

Sanaartornermi malitassaq naleqqussarneqarnikuvoq aamma neqeroortitsinermut pineqartumut tulluarsagaavoq, tamannalu sioqqullugu atuisut peqatigalugit workshopertitsisoqarpoq. Atuisunut ilaapput (taamanikkut) Atuarfinnut ulluuneranilu meeqqerinerme neqerooruteqarnermut pisortaq, ASK-imi aamma USK-imi atuarfiup pisortai kiisalu atuarfinniit taakkunangaanniit ilinniartitsisut marluk. Workshopertitsinerit atuisut suliniuteqalernerannik kinguneqarput, ilaatigut makkuusunik:

##### **INITUSSUSEQ**

Sumiiffik, tamanut inissaqartitsisoq.

Akuutitsineq

Tamat oqartussaaqataanerit innuttaaqataanerlu -najugaqarfigisami avatangiisit

Ini sammisassanut aalasinnaanermullu inissaqarluartoq.

Akuutitsineq tamanullu inissaqartitsineq atuisut iliuusissaanni sanaartornermilu malitassiami ilaatinneqarpoq.

Tamatuma saniatigut inatsisit malittarisassallu inissialiornermut sanaartornermullu tunngasut qaqugukkulluunniit atuuttut malittarpavut. Tassani ilaatigut eqqaasinnaavakka sanaartornermut malittarisassat GBR06, tassani immikkoortoq 4.1-imi imm. 1-imit ersersinneqarpoq:

##### **4.1 Nalinginnaasumik**

Imm. 1. Illuliat ilusilersorneqarlutillu naleqqussarneqassapput taamaalillutik atornerqarnerannut tunngatillugu isumannaatsuuneq, peqqissuseq, tamanillu tikikkuminarnerat atornerqarsinnaanerallu kiisalu eqqiluutsuutinneqarnerat aserfallatsaaliorneqarnerallu naammaginartuussallutik.

Tamatumunngalu atatillugu GBR06-imi imaattumik tapiliussaqaartoqarpoq:

(4.1, imm. 1) Annertuumik innarluutillit ikiorserneqartarnerat pillugu Inatsisartut peqqussutaat naapertorlugu sanaartukkat atortorissaarutillu kikkunnit tamanit atornerqarsinnaasut tamarmik sapingisaaq naapertorlugu aqqissuunneqassapput qularnaarneqarsimassalluni inunnit innarluutilinnit iserfigineqarsinnaanngorlugit atornerqarsinnaanngorlugillu. Sanaartukkanut atortorissaarutinullu ilaapput inat attartortittakkat, atuakkanik atorniartarfiit, napparsimmaviit, kigutileriffiit, atuarfiit, niuertarfiit, allaffiit, sanaartortitat il.il., kikkunniit tamanit tikinneqarsinnaasut.

Inatsisit atuuttussatut aalajangersakkat saniasigut allanik suliniuteqartoqarsimangilaq.

Taamaattorli atuarfik annertigut sananeqassaaq danskit sanaartornermut malittarisassaat 2018-imeersut malillugit, taakkunani innarluutilinnut atatillugu sukaterisoqaaqqissimavoq.

Atuarfissamut neqerooruteqartitsineq tamakkiisumik sanaartugassanngortitsinertut pissaaq, tassa imaappoq aqqissuunneqarpiarnera maannakkut oqaaseqarfigisinnaanngilarput, tassami inaarutaasumik pilersaarut ukiup matuma naalernerani pigineqalerpat aatsaat tamanna takuneqarsinnaassaaq.



Ataatsimiinnissassinut peqataanissamut tunngatillugu ajoraluartumik piffissaqanngilanga, ilimagaarpummi suliarinnittussarsiuussineq 20. september ingerlanneqassasoq, taamaattumillu ullut siuliini ulapissaqigatta.

\*\*\*

Innarluutillit pillugit Siunnersuisoqatigiit Siorarsiorfiup akissutaa pingaartippaat neriuutigaallu Christian Dyrberg Andersen siunissami ataatsimeeqatiserineqarsinnaassasoq.

Innarluutillit pillugit Siunnersuisoqatigiit ilaatigut makku apeqquteqarfiginerorusuppaat:

- Atuarfik sumut pissutissiissava?
- Innarluutillit pillugit Siunnersuisoqatigiit qanoq sanaartukkamut tunngatillugu tapertaasinnaappat akuliutsinneqarsinnaappallu (Sara Jilsø Fleischer)?
- Atuarfik pillugu suna takorloorneqarpa (Nanette Arboe Hammeken)?
- Christiap suut akisinnaagai maluginiassallugu pingaaruteqarpoq. Allanut sanaartugaanngitsumut tunngatillugu kommunimi ingerlatsiviit saaffigineqartassapput (Cecilie Victoria Schierbeck).

Innarluutillit pillugit Siunnersuisoqatigiit paaserusuppaat ingerlatsiviit sorliit atuarfiliornermut akuunersut?

Suliassat amerlanersaat Meeqqanut Atuarfeqarnermullu Ingerlatsiviup tigummivai (Laila Skydsbjerg Skytte)

- Atuarfeqarnermut ulluuneranilu meeqqerinermi neqeroorutit Meeqqanut Atuarfeqarnermullu Ingerlatsiviup ataaniipput.

Meeqqanut Ilaqutariinnullu Ingerlatsivik (Peter Brix Adsersen)

- Tassani isumaginninnermut siunnersortit atorfeqarput aamma atuarfinni isumaginninnermut siunnersorteqarpoq.

Suliffeqarnermut Isumaginninnermullu Ingerlatsivik (Susanne Kærulff Ettrup)

- Pillorissaasut aammalu timimik sungiusaasut suleqatigiit, aamma meeqqanik sullissisartut Isumaginninnermut Suliffeqarnermullu Ingerlatsiviup ataaniipput.
  - o Meeqqanik pillorissaasut aammalu timimik sungiusaasartut suleqatigiit Meeqqanut Atuarfeqarnermullu Ingerlatsivimmit aningaasaliivigineqartarput, kisianni Suliffeqarnermut Isumaginninnermullu Ingerlatsivimmi atorfeqarput.
- Aamma Pillorissaasut timimillu sungiusaasut suleqatigiit sungiusarnerup ingerlattuarneqarnissaa akisussaaffigaat..

Atuarfimmi sungiusarneq (Peter Brix Adsersen)

- Ingerlaavartumik sungiusartarneq atuarfimmi ingerlanneqartassanersoq Suliffeqarnermut Isumaginninnermullu Ingerlatsivimmi Pillorissaasut timimillu sungiusaasut suleqatigiit nalilersussavaat.
  - o Tamanna atuarfimmut ilanngunneqarsinnaappat ajunngissaqaaq
  - o Sumiiffilli aningaasaliinermut pingaaruteqanngilaq. Taamaattumik pingaaruteqartoq tassaavoq Pillorissaasut timimillu sungiusaasut suleqatigiit naliliisanersut atuarfik ingerlaavartumik sungiusaanissamut piukkunnarluinnarnersoq piukkunnanginnorsorluunniit.

#### 4.2: Innuttaasunik ataatsimiititsinermik malinnaaffiginninneq

Nuummi Tasiilamilu innuttaasunik ataatsimiititsisoqarpoq. Ataatsimiititsinernut marlunnet taakkununga takkuttut amerlanngillat. Ataatsimiinnernili tamani peqataasut ingerlatsivimmut isumassarsisitsipput, taakkulu Innarluutilinnik sullissinerup immikkoortuanut pilersaarutip pingajuannut ilanngunneqarput (Susanne Kærulff Ettrup)

- Innuttaasut takkuttut ikinneri pissutigalugu oqallisigineqarsinnaavoq qanoq kommune ingerlatsiviillu innuttaasunik ataatsimiititsinernik aqqissuussinnaasut takkuttut amerlanerulersillugit.
- Innarluutilinnut sullissinermi arlalinnik ataatsimiittoqartarpoq aqqissuussisoqarnikuullunilu, amerlanngitsunilli peqataasoqarpoq. Aamma sulinerup kingorna aqqissuussisoqartillugu.
- Tunniutiinnanngilagut. Qanoq amerlanerusut peqataajumalersinneqarsinnaanerannut siunnersuutit ammaffigaavut.

Innarluutillit pillugit Siunnersuisoqatigiit: Innuttaasunik amerlanernik takkuttoqarsinnaaneranut iliuusissat pillugit siunnersuutit

- Innuttaasut sunik soqutigisaqarnerannik misissuineq?
  - o Innuttaasoq toqqaannartumik aperineqarsinnaavoq: Innuttaasunut ataatsimiititsinermut takkutissaguit suna pissutigalugu takkutissavit?
  - o Ingerlatsiviit erseqqissassavaat innuttaasut isumaat pingaaruteqartut – innuttaasut qanoq isumaqarnersut tusarusupparput.
- Imaluunniit innuttaasut allakkatigut tapersiinnaanerannik periarfissillugit.
- Innuttaasup peqataanini qanoq pissarsiaqaatigissagaa taassumunnga esarittariaqarpoq.
- Pitsaasumik attaveqaqatigiittoqassaaq –soqutiginnittut tamarmik nivinngakkamik takoqqusaarummilluunniit takusaqarnissaat qanoq qulakkeerneqarsinnaava?
- Kalaallit Nunaanni inuit pisinnaatitaaffii pillugit Institutip innarluutilinnik sullissinermi peqatigiiffiit iluatsilluarsimasut qaaquai. Taakkua qanoq iluatsippat (Nanette Arboe Hammeken)?

Innuttaasunik ataatsimiititsinerup siunertaa (Peter Brix Adsersen aamma Cecilie Victoria Schierbeck)

- 1) Ingerlatsiviit/politikerit innuttaasullu akornanni oqaloqatigiinnermut innuttaasunik ilumut peqataatitsinissaq kissaatigineqarpa?
- 2) Imaluunniit aalajangiinerup tunngavissinneqarnissaa kissaatigineqaannarpa??
- 1) Peqataatitsinissaq kissaatigineqarpat piumasaqaatit annertupput.
  - o Tassani inuit suliap ingerlanneqarneranut sunniuteqartinneqassapput.
- 2) Innuttaasunik ataatsimiititsineq arlaatigut tunngavissiivoq.

#### **4.3: Sinnisussanik aggersaasoqassanersoq pillugu eqqartuineq**

Innarluutillit pillugit Siunnersuisoqatigiit ataatsimiinnerminni ilaasortamik amigaateqakkajupput. Ajornartorsiut tamanna aqqinneqarsinnaanerpa sinnisussap ataatsip arlallilluunniit tamatigut peqataatinneqarnerisigut (Nanette Arboe Hammeken)?

- Innarluutillit pillugit Siunnersuisoqatigiit taamaaliortoqassappat tamatuma qanoq isikkoqarnissaa nalornissutigaat.
- Politikerit aalajangissavaat sinnisussaq sorleq toqqarneqassanersoq?
- Ingerlatsivimmit akissut
  - o Apeqqutinut akissutissat ingerlatsiviup paasiniassavai.

#### **4.4: Innuttaasunut innarluutilinnut tunngatillugu kommunimi pingaarnermik attavigisassaq pillugu kommunimiit paasissutissiineq**

Innarluutillit pillugit Siunnersuisoqatigiinnit erseqqissarneqarpoq taanna tassaasoq innarluutilinnik sullissinermi sammisaqartitsinermut siunnersorti.

Ingerlatsivimmiit akissut: Pineqartoq suliffeqarfinnut orniguteqataasassaaq innarluutillillu suliffissaqarnissaannut periarfissarsiuussisassalluni (Susanne Kærulff Ettrup).

- Taanna qulaajaalluni aallartippoq.
- Taanna Innarluutillit pillugit Siunnersuisoqatigiit ataatsimiinnerannut qaaqqusinnaavarput.
  - o Innarluutillit pillugit Siunnersuisoqatigiit sammisaqartitsinermut siunnersortimik qaaqqusinissaq tapersorsorpaat.

Eqimattat piukkunnarsinnaasut aallarniutigineqarsinnaanersut ukkatarineqarpoq (Cecilie Victoria Schierbeck)

- Sulisitsisut, peqqinnissaqarfik allallu. Peqataasinnaasut suleqatigineqarsinnaasullu soqutiginaatillit sammisaqartitsinermut siunnersortip atassuteqarfigiligassai amerlaqaat.

#### **4.5: Innarluutillinnik sullissinermik pilersaarutip immikkoortuisa pingajuat**

Innarluutillit pillugit Siunnersuisoqatigiit tamatuminnnga suliaqarnertik ingerlateqqippaat.

#### **4.6: 2019-ip naanerani kiisalu 2020-mi ataatsimiinnissat**

Ullut makku aalajangiunneqarput:

- sisamangorneq 28. november 2019
- sisamangorneq 23. januar 2020
- sisamangorneq 30. april 2020
- sisamangorneq 3. september 2020
- sisamangorneq 26. november 2020

#### **4.7: - Innarluutillit pillugit inatsisissap - Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq - innarluutillit pillugit siunnersuisoqatigiit katitigaanerannut, malittarisassaannut suliassaannullu sunniutai.**

Innarluutillit pillugit inatsisip ingerlatsivinni allaffissornikkut suliassanut sunniutai (Susanne Kærulff Ettrup)

- Inatsisini sorpassuit pissutigalugit ingerlatsiviit sulisaatitik misissuataartariaqarpaat nutaanillu suliassaqalernissaq piareersarfigalugu.

Innarluutillit pillugit inatsisissamut tunngatillugu isumasioqatigiinneq

- Innarluutillit peqatigiiffii isumasioqatigiinnissamut aggersarneqarput (Susanne Kærulff Ettrup)
- Innarluutillit pillugit Siunnersuisoqatigiit paasiniaapput siunnersuisoqatigiittut peqataasinnaanerlutik (Sara Jilsø Fleischer).
- Ingerlatsiviit susasaqartut aggersarneqarput (Peter Brix Adersen).

### **5) Tamalaat**

#### **5.1: Ikorfartortinut kommunimi atorfilinnut allaffissornikkut pissutsit ajornartorsiutaapput**

- Akunnermusiat ilaasa meeqqat pillugit inatsimmit akunnermusiallu allat atuarfeqarneq pillugu inatsimmit aningaasalerneqartarnerat ajornartorsiutaava?
- Peter Brix Adersenip AKISSUTAA: Aap. Ajornartorsiutaavoq. Ullup ilaannaani sulisarneq x 2 akileraartanikkut ajornartorsiutaavoq. Taama pisariutiginera ajuusaarnarpoq.
  - o Immaqa aaqqiissuteqartoq angajalerpoq: pisortat oqaloqatigiipput.

- Akileraartarnikkut ajornartorsiuteqarnermik unamminiagassaqarneq kommunip akisussaaffeqarfiata avataaniippoq. Aamma akileraartarnermut aqutsisoqarfimmi nikeriarsinnaannginneq pineqarsimassaaq.

Innarluutillit pillugit Siunnersuisoqatigiit qisuariaataat

- Taamaattoqarsinnaannginnera paasiuminaappasippoq(Nanette Arboe Hammeken)
- Innarluutillit pillugit Siunnersuisoqatigiit pisortaqaatiinnut allagaqaateqarnissartik isumaliutigisinnaavaat (Viggo Johansen)

Ikorfartortinut ataqaatigiissaarisooq Innarluutillit pillugit Siunnersuisoqatigiit ataatsimiinnissaannut aamma aggersarneqarsinnaavoq (Peter Brix Adersen)

- Innarluutillit pillugit Siunnersuisoqatigiit isumassarsiaq tapersersorpaat.

## **5.2: Angalaqatigiittartut sulianik suliaqartarnermik kommunimilu innarluutillit pillugit inatsisunik ilinniartitsisussat (Nanette Arboe Hammeken)?**

- Namminersorlutik Oqartussat siunniussaqaqarput angalaqatigiittartut innarluutillit pillugit inatsisissamik ilinniartitsisussat. Tamanna sumut killippa?
  - Innarluutillit pillugit inatsisip taamaallaat ilinniartitsissutiginnissaa naammanngilaq. Inatsiserpassuaqarpoq tamatumunnga attuumassutilinnik, sullissisartut assingusullu paasisimasaqarfiginngissaannik.
- Susanne Kærulff Ettrup akissutaa:
  - Ingerlatsiviit pikkorissarnissamik ujartuisimapput. Pitsaanerumik sussaqaanngimmat ingerlatsiviup sullissisartunik ilinniartitsineq aallartippaa, ingerlatsivimmi inatsisilerituup ingerlataanik.

## **5.3: Innarluutilinnik sullissinermi kisitsisitigut paasissutissat (Sara Jilsø Fleischer)**

- Suliffeqarnermut Isumaginninnermullu Ingerlatsivimmiit akissut: Innuttaasut 400-t missaat innarluutillit pillugit peqqussut malillugu sullinneqarput, 100-ngajaat Kalaallit Nunaanni Danmarkimiluunniit inissinneqarnikuupput.
- Meeqqanut Ilaqutariinnullu Ingerlatsivimmiit akissut: Nuummi meeqqat pillugit suliassat 55-70-it innarluutillit pillugit peqqussut malillugu suliarineqarput.
  - Sinerissamiit kisitsisit inissinerillu Peter Brixip eqqaamangilai.

## **5.4: Ingammik meeqqanut tunngatillugu qulaajaasoqarsimanneginermik ajornartorsiutit (Peter Brix Adersen)**

- Meeqqanut tunngatillugu qulaajaasoqartannginneq unamminiagassaavoq annertoq. Meeqqanut tunngatillugu pilertornerumik sunniuteqarluarnerumillu qulaajaasoqartaraluarpat meeqqat ikinnerit innarluutillit pillugit peqqussut malillugu sullinneqartassagunaraluarput (Peter Brix Adersen).
- Innersuussutit qulaajaanerillu amigaataanerannut meeqqanut iluamik psykiatereqannginneq pissutaavoq.
- Nakorsiartarfimmiit meeqqat MISI-mut nalileqqaarneqartussanngortillugit ingerlatinneqartarput. Kisianniliuna nakorsiartarfik qulaajaaqqaartartussaasoq. Nakorsiartarfiup immaqa iluamik ilisimanngilaa qanoq tamanna suliarineqartassasoq (Laila Skydsbjerg Skytte).

## **5.5: Meeqqat innarluutillit sullinneqarnerat malinnaavigineqarpa? (Nanette Arboe Hammeken)?**

- Sullissisut malinnaatitsineq pillugu ataatsimiinnernut ukiumoortunut aggeqquneqartarpat? Ingerlaavartumik malinnaasarnissaq inatsisinit peqqussutigineqarpoq.
- Peter Brix Adersenip aamma Susanne Kærulff Ettrup akissutaat

- Malinnaanissamut piumasaqaatit inatsimmi nutaami sakkortusaavigineqarput. Kisianni malinnaanissamik ilusiliinissaq piumasaqaataanngilaq. Tamannali taamaallaat mailikkut malinnaanerusinnaavoq – innuttaasumut sullissisumullu tulluatumik.
- Malinnaaviginninneq iliuusissatut pilersaarutip ilaatut ilaatinneqassaaq, taamaalilluni torersumik uppersararneqassaaq.

*Inuulluaqqusillunga // Med venlig hilsen*

Suliffeqarnermut Isumaginninnermullu Ingerlatsivik

Forvaltning for Velfærd og Arbejdsmarked,